

Kereta mewah tidak layak

Sinar Harian 14/11/18

KUALA LUMPUR - Pemilik kereta mewah tetap tidak akan menikmati subsidi petrol bersasar, walaupun enjin kenderaan mereka berkapasiti 1,500 cc ke bawah.

**SUBSIDI
PETROL
BERSASAR**

Menteri Kewangan, Lim Guan Eng berkata, kementeriannya sedang mengkaji secara terperinci mekanisme pemberian subsidi itu, termasuk dari aspek jenis ataupun model kereta yang layak menerima subsidi tersebut.

"Selain daripada cc kereta, kita akan lihat dari segi model atau jenis kereta. Kalau ada kereta mewah yang ccnya 1,500 ke bawah, mereka tetap tidak akan layak menerima subsidi petrol bersasar.

"Contohnya, kereta mewah

Mercedes, BMW, Range Rover, Audi atau Volkswagen, sekiranya 1,500 cc ke bawah, tidak akan menikmati

subsidi bersasar," katanya menjawab soalan Datuk Seri Abdul Azeez Abdul Rahim (BN-Baling) pada sesi soal jawab di persidangan Dewan Rakyat, semalam.

Justeru katanya, tidak timbul isu kereta mewah juga akan menikmati subsidi bersasar petrol tersebut.

Guan Eng berkata, subsidi bersasar petrol RON95 itu akan memanfaatkan empat juta pemilik kereta dan 2.6 juta pemilik motosikal apabila ia dilaksanakan. - Bernama